



閩／懷想／☆☆☆★

## 同 窗

「你攏無變！」「你嘛無變！」「有啦，生兩個矣，變較闊。」「哈！我嘛有啦！變較嬌。」欲二十外冬無看著的高中同窗的，和我三个，你一句，我一句。開始滾耍笑了後，時間若像飛轉(tíg)去阮高中的時，同窗讀冊，做伙講趣味。

時間咧變，朋友的感情無變。這二十外冬來，毋是無去想著個，只是想著的時，攏是一工無閒了，欲睏的半暝，定是孤一人坐佇窗邊寫日記思念個。阮三个，一个留佇下港拍拚，一个獨身走國內國外，一个嫁雞綴雞飛、嫁狗綴狗走，對下港離鄉來到臺北城。以前無利便的高鐵，見面比登天較難，有高鐵了後嘛揣無逐家攏有閒的好時機。就按呢，一工過一工、一暝過一暝，三个好朋友，三推四推，推二十外冬才會當見一面，閩毋敢耍傷久，干焦耍拜六、禮拜兩工。無煩無惱的青春少女，早就變做為家庭、為囡兒的老母。講到遮，恁應該就知，阮毋是無時間，實在是這二十外冬來，逐家無法度放囡放翁，逐家攏咧等囡仔大漢。

阮三个對中晝一見面喺閩毋捌停過，暗時去躡佇新北投山頂的大飯店，到飯店閩共窗仔開開那講(káng)那看淡水河邊、那看城市的燈光閃閃爍爍，講未來、講過去，講甲半暝。隔轉工，阮過淡水去三芝，雨綿綿，看著櫻花開滿枝，食中晝飽，去石門，揣一間倚海邊的店欸咖啡。阮佇店內揣一位向(ng)海的窗仔邊，昨暗阮三个人佇窗邊看城市的閃爍，今仔日阮看波浪拍上海墘。天地遮闊，有緣同窗，有緣相逢，佇通透的窗邊，鼻苦味仔苦味的咖啡，心內煞感覺芳甜仔芳甜。

作者：王秀容

### ☆詞彙學習☆

【獨身】tòk-sin：單身

【外】guā：放在數字之後表示「餘」、

【推】tshiâu：商討、商議

「多一點」

### ☆文法學習☆

【食中晝飽】：國語說「吃飽飯」，閩南語說「食飯飽」，所以「食中晝飽」就是「吃過午餐」的意思，而「吃過晚餐」就是「食暗飽」。

【開開】：閩南語的輕聲讀法有很重要的文法和詞彙意義。在這個例子裡，若照一般變調規則，即第一個「開」變調、第二個本調，就是形容詞「開開的」之意；若第一個字讀本調、第二個字輕讀，那就是「把……打開」的意思。